



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 4. Idem a Rhemensi & Nannetensi Facultate Theologica attentatum.

[urn:nbn:de:hbz:466:1-67649](https://nbn-resolving.org/urn:nbn:de:hbz:466:1-67649)

Sæc. XVIII. *Generale absolute esse necessarium*, in præ-
A. C. 1717. senti tamen negotio a doctrinæ capitulis,
 quæ a summo Pontifice, accedente
 Episcoporum consensu decisa sunt, pro-
 vocare, idem esse, ac ab Ecclesia ad
 Ecclesiam, & ab eodem Tribunali ad
 idem Tribunal appellare, cum Ecclesia
 dispersa perinde ac in Conciliis congregata,
 vera sit Christi Ecclesia, cui Spiritus
 sanctus perpetuam assistentiam
 promisit.

§. IV.

Idem a Rhemensi & Nannetensi Facultate Theologica attentatum.

*Mem. de
 d' Appell.
 pag. 31.
 Acta publ.
 Const. p. 265.*

Jam antea Ravehetus Parisiensis Facultatis Syndicus de futuræ appellationis remedio Guilielmum Rogentium Rhemensis Facultatis Theologicæ Decanum certiozem reddidit, atque ad Parisiensis exempli imitationem eandem Facultatem sollicitavit. Nec sponte currentibus calcar addere necesse erat ipsa enim sese de suo Archiepiscopo appellandi opportunitas quosdam hujus Facultatis Doctores tam strenue incitabat, ut jamjam die octava Martii Regios scribas ad Aulam S. Patritii in Universitatis Rhemensis Collegio advenirent, eisque præfatus Decanus Facultatis decretum, quo sese quatuor Episcopi

Episcoporum appellationi inhærere de- Sæc. XVIII.
clarabant, publica auctoritate firman- A. C. 1717.
dum traderet: Hoc autem decretum
his verbis erat conceptum:

„Anno Domini millesimo septingen-
„tesimo decimo septimo, die vero octava
„Martii hora post meridiem secunda,
„in sacræ Facultatis Rhemensis comi-
„tiis extra ordinem habitis apud san-
„ctum Patricium, ad quæ singuli Ma-
„gistri ostiatim convocati fuerant, ad-
„erantque numero viginti quinque, ve-
„nerandus Dominus Rogierus Decanus
„& præses exposuit sacro ordini, se a
„Viris fide dignissimis accepisse Apo-
„grapha, tum instrumenti Appellatio-
„nis ad futurum Concilium Generale
„die prima hujus Mensis interjectæ per
„quatuor illustrissimos Galliarum Episco-
„pos cum illius conclusione, qua die hu-
„jus Mensis quinta sacra Parisiensis Fa-
„cultas huic Appellationi adhæsit, at-
„que se existimasse officii sui esse, ut hæc
„instrumenta communicaret cum sacra
„Facultate, sibi que videri illa impræ-
„sentiarum esse legenda, audito prius
„hac de re Domino Syndico, consen-
„tientibusque Magistris omnibus, a Do-
„mino scriba præfata Acta statim fue-
„runt perlecta, quorum absoluta le-
„ctione a Domino Decano in delibera-
„tionem adductum est, utrum sacro
„OF

Sæc. XVIII. „ordini conveniret adhærere appella-
 A. C. 1717 „tioni illustrissimorum Præfulum, cui jam
 „adhæsit sacra Parisiensis Facultas, ab
 „que re maturius discussa, ex omnium
 „suffragio, uno excepto, qui superle-
 „dendum censuit, sacra Facultas edi-
 „dit decretum, quod sequitur octo ca-
 „pitibus contentum. „

I. Laudat, nec satis laudandum cen-
 set quoad omnia contenta, instrumen-
 tum Appellationis interjectæ Parisiis
 die prima hujus Mensis coram Mallon
 & Touvenet Tabellionibus Regiis ab
 illustrissimis Episcopis Mirapicensi, Sen-
 necensi, Montispeffulano & Boloniensi
 ad proximum Concilium Generale
 Constitutione summi Pontificis Clemen-
 tis XI. quæ incipit: *Unigenitus Dei Fi-*
lius, cujus quidem instrumenti tenor
 infra describetur.

II. Adhæret sacra Facultas appella-
 tioni laudatorum illustrissimorum Præ-
 fulum prædicto instrumento expressè
 ad proximum Concilium Generale
 supradicta Constitutione summi Pontifi-
 cis Clementis XI. quæ incipit: *Unigeni-*
tus, & quoad opus est vel esse potest
 provocat ad dictum Generale concilium
 ab eadem Constitutione atque ab om-
 nibus inde secutis & secuturis, necnon
 a gravaminibus prædictæ Constitutio-
 nis occasione seu illatis, seu inferen-
 dis

dis a summo Pontifice Clemente XI. Sæc XVIII.
A. C. 1717.
sua & quacunque alia auctoritate, salva
debita & semper exhibenda a sacro
ordine summo Pontifici reverentia &
obedientia canonica.

III. Cum hujus Constitutionis oc-
casione plura jam sint edita mandata
ab illustrissimo Domino Archiepiscopo,
atque alia in posterum edi possent, sa-
cra Facultas iisdem ducta momentis,
eadem ratione, atque uno eodemque
actu ad idem Concilium Generale, non
quidem sine mærore, ac premente gra-
vissima nullique ignota necessitate ap-
pellat ab omnibus Mandatis in hac Diæ-
cesi Rhemensi pro Constitutionis præ-
dictæ promulgatione, acceptance,
executione, commendatione & defen-
sione editis vel edendis & ab iis omni-
bus, quæ illorum vi facta sint, ac dein-
ceps fieri poterunt, profitetur quoque
se nunquam defuturam ei, quæ il-
lustrissimo Domino Archiepiscopo de-
betur, reverentiæ & canonicæ obe-
dientiæ.

IV. Parata est eadem Facultas se
illustrissimis supra laudatis præsulibus
adjungere ubicunque, quotiescumque,
quomodocunque opus fuerit, ad pro-
secutionis hujus Appellationis coram
Concilio Generali libere ac legitime
congregando, eamque Appellationem
apud

Sæc. XVIII apud quem vel quos pertinere poterit,
A. C. 1717. suo nomine prolequi.

V. Ne dictus summus Pontifex Cle-
mens XI. aut illustrissimus D. D. Ar-
chiepiscopus vel quilibet alius Ecclesie
sticus Judex, contra nos spirituali giu-
dio abutendo de facto procedat, ex-
communicando, interdicendo, suspen-
dendo, privando, vel quovis alio modo,
nos Decanus, & Magistri sacre Facul-
tatis Rhemensis supponimus nos &
nobis adhærentes, & adhærere vo-
lentes, & Facultatem nostram pro-
tectioni divinæ Ecclesie universalis
& prædicti Concilii Generalis, quod
quidem in spiritu sancto legitime
congregatum, & Ecclesiam Catho-
licam militantem repræsentans, pote-
statem a Christo immediate habet, cui
quilibet obedire tenetur, in his que
pertinent ad fidem.

VI. Protestatur sacra Facultas
nulla, & irrita fore omnia, & singula
quæ in contrarium hujus adhærensionis
sue, ad proximumque Concilium Ge-
nerale Appellationis, auctoritate sum-
mi Pontificis vel illustrissimi Archie-
piscopi, per eos ipsos, vel per quam-
cunque aliam personam illorum no-
mine usquam vel unquam fuerint at-
tentata.

VII. Declarat sacra Facultas se præ- Sæc. XVIII.
fenti provocatione nullatenus renun- A. C. 1717.
tiare Appellationi tanquam ab abusu,
quam interponere necesse habuit a Man-
dato illustrissimi Domini Archiepiscopi
Rhemensis dato 5. Octobris 1717. imo
vero eidem Appellationi semper in-
sistere, quippe quam apud integerrimos
judices Senatus Parisiensis profes-
qui intendat.

VIII. Statuit demum sacra Facul-
tas advocandos illico duos Notarios
Regios, qui præsentem conclusionem ac-
cipiant, describant, actumque confi-
ciant a doctoribus præsentibus subscri-
bendum & opportuno tempore iis, qui-
bus opus fuerit, significandum.

Die autem vigesima sexta ejusdem
Mensis tota Rhemensis Universitas hu-
jus Facultatis Theologicæ appellationi
inhæsurâ conventum habuit, in quo
Magister Joannes de Loffe, Rhemensis
Ecclesiæ Canonicus, atque Universita-
tis Procurator Generalis exposuit, quan-
tum in hac luctuosa temporum condi-
tione periclitarentur Religio, Ecclesiæ
Gallicanæ libertates & Regni jura, oc-
casione Constitutionis SS. D. N. Papæ
Clementis XI. quæ incipit: *Unigenitus*
Dei Filius, & quam honesto & legiti-
mo titulo his commodis posset, ac de-
beret universale litterarum studium oc-
currere,

Sæc. XVIII. currere, si adhæreret Appellationi
A. C. 1717. dicta Constitutione per quatuor illustri-
 simos Episcopos Marapicensem, Senen-
 sem, Montispeffulanum, & Bolonien-
 sem ad Generale Concilium proxime
 futurum libere congregandum inter-
 jectæ: Re a sapientissimo præfide in
 deliberationem adducta, unanimi ac
 summo quatuor Facultatum consensu
 declaravit Universitas, in tam mani-
 festo avitæ fidei, libertatum Ecclesiæ
 Gallicanæ, & jurium Regis, ac Re-
 gni periculo velle se pro suo modo red-
 dere Testimonium veritati, sinceram
 suam fidem erga religionem, Regem &
 Patriam exsolvere, & adhærerere pro-
 pterea, prout de facto adhæret Ap-
 pellationi solemni per quatuor illustri-
 simos Episcopos supra laudatos, tum
 per Ecclesiam Rhemensem complures-
 que alias, ac per multas Theologiæ Fa-
 cultates, Parisiensem præfertim, & Rhe-
 mensis interjectæ a supradicta Consti-
 tutione, insuper provocat eadem Uni-
 versitas ad dictum Generale Concilium
 ab omnibus Mandatis ab illustrissimo
 Remorum Archiepiscopo, aut ejus au-
 thoritate circa negotium dictæ consti-
 tutionis tum editis & a gravaminibus
 ac decretis jam inde secutis vel in po-
 sterum secuturis; salva semper debita
 summo Pontifici, & illustrissimo Archi-
 episcopi

episcopo legitima reverentia & obedientia canonica.

Sæc. XVIII.

A. C. 1717.

Statuit denique Universitas præsentem suam conclusionem deponendam esse apud Tabelliones Regios, & iis omnibus, quibus opus fuerit significandam cura & diligentia Domini præsidis & Domini Procuratoris Generalis &c.

Hujus Facultatis exemplum Facultas etiam Nannetensis sequebatur, & die decima Martii in Collegio Clementino præter morem comitia habuit, in quibus præsentibus duntaxat tredecim Doctoribus Fourreus Syndicus ita perorabat: „Scitis, Sapientissimi Magistri, quæ dissidia Constitutio: *Unigenitus*, passim ab ortu suo excitaverit. Palam est plurimarum, quibus censuræ notam incurrit Propositionum damnatione, convelli fidei veritates certissimas, contemni prorsus jura Episcoporum, destrui libertates Ecclesiæ Gallicanæ, supremam Regum auctoritatem labefactari. Nihil intentatum relictum est, quod summum Pontificem, ab afferenda sua dicta Constitutione avertere posset: omnes enim in vanum conatus abiere: quapropter Illustrissimi & Reverendissimi Episcopi Mirapicensis, Senecensis, Montis Pessulanus, & Boloniensis ad ultimum Remedium, quod est Appellatio ad

Hist. Eccles. Tom. LXIX.

Hh

plē-

Sæc. XVIII. A. C. 1717. plenarium & generale totius orbis Christiani concilium legitime congregandum confugere compulsi sunt.

Huic appellationi adhæsit sacra Facultas Theologiæ Parisiensis, eidem vos adhæsurus esse confido, quippe quæ videatur necessaria pro restituenda Ecclesiæ pace, pro afferenda fidei & morum doctrina, pro vindicandis Scripturæ sacræ & sanctorum Patrum oraculis, pro tuendis Ecclesiæ Gallicanæ, Episcoporum, Regni & Regum juribus. Hanc viam iniere Majores nostri adversus Bonifacium octavum, contra Decreta Pii secundi & Pii quarti, neque hæc appellatio ad Universalem Ecclesiam, quæ sola est columna & firmamentum veritatis, injuriosa sanctæ Sedi Apostolicæ videri debet, quinimo ad illius auctoritatem stabiliendum magis conducit. Itaque requiro, ut legatur instrumentum appellationis ad futurum Generale Concilium legitime & libere congregandum interjectæ ab Illustriſſimis & Reverendiſſimis Episcopis supradictis.

Requirente Domino Fourre lectum est instrumentum prædictum, deinde collectis a Domino Fourre Syndico Magistrorum suffragiis, unanimi dictorum consensu sic statutum est.

Sæc. XVIII.
A. C. 1717.

S. Facultas adhærens Appellationi ab Illustrissimis & Reverendissimis Episcopis Mirapicensi, Senecensi, Montispeffulano, & Boloniensi die prima Martii anno millesimo septingentesimo decimo septimo interjectæ ad Concilium Generale a Constitutione *Unigenitus*, provocat & appellat a dicta Constitutione ad futurum Generale Concilium legitime ac libere congregandum, quod Appellationis instrumentum, quod sequitur, confecit.

In Nomine Domini Amen.

Universis præsentis literas inspecturis sacra Facultas Theologiæ Nannetensis salutem in Domino.

Hucusque pro maxima ac legitima, qua summum Pontificem colimus reverentia optantes, sperabamus fore, ut sanctissimus Dominus Noster Papa Clemens undecimus tacitam sibi fuisse veritatem & falsitatem suggestam agnosceret, & malis, quæ innumera secum in Galliam invexit Constitutio *Unigenitus* quamprimum mederetur.

Spem illam omnibus afferebant sapientia providissimi & prudentissimi Principis Galliæ moderatoris, sanctissimorum Ecclesiæ Præsulum obsecrationes, & obtestationes omnium Regni

Hh 2

ordi-

Sæc. XVIII
A. C. 1717.

ordinum, Magistratum, virorum Ecclesiasticorum, Facultatum Theologiarum, sacri imprimis Theologorum Parisiensium ordinis vota, ac denique preces, quas pro Ecclesiæ pace fundit universa fidelium multitudo.

At vero hæc nostra & totius Regni spes evanescit, Christiana veritas in dies labefactatur, crescunt scandala, effervescent diffensiones, adeo ut nisi totalis jam in apertum Religionis excidium grassantibus prompte occurratur, iisque unicum, quod superest remedium a Majoribus nostris in pari rerum angustia usurpatum adhibeatur, periculum fit, ne plurimorum fides jam dudum titubans prorsus corruat, solvatur vinculum pacis & triumphant veritatis hostes.

Quapropter ad conservandam pro parte nostra veritatem, totum hoc de Constitutione negotium ad universam Ecclesiam, quæ supremum est spiritus auctoritatis Tribunal & inconcussa veritatis columna, deferendum censemus.

Quo quidem consilio tantum abest, ut quidquam Sedis Apostolicæ honoris auctoritati, unitati detractum derogatumque velimus, ut potius iis omnibus fovendis atque tutandis nihil apertius esse ac magis accommodatum universis sanctorum Patrum Traditione fulti arbitremur.

Nec

Nec quovis alio Ecclesiæ tempore Sæc. XVIII.
 ad istud remedium confugere magis ne- A. C. 1717.
 cesse fuit, siquidem in prædicta Con-
 stitutione fundamenta Ecclesiasticæ
 Hierarchiæ, sacrosancta Episcoporum
 jura, libertates Regni convelluntur,
 proscribuntur fidei, & inorum doctrinæ,
 e medio tolluntur sacræ pœnitentiæ re-
 gulæ, rescinditur maximum dilectionis
 Dei Mandatum, sacræ Scripturæ Di-
 vina lux fidelibus eripitur, damnantur
 ac reprobantur Prophetarum, Aposto-
 lorum & sanctorum Patrum locutiones,
 tum circa gratiam, tum circa veteris
 & Novi Testamenti discrimen.

His atque aliis pluribus de causis
 jam fuse expositis in instrumento Appel-
 lationis interjectæ a quatuor illustrissi-
 mis ac Reverendissimis Episcopis, at-
 que etiam in tempore, & loco fusius
 exponendis, Nos absolute, & sine ulla
 restrictione adhærentes appellationi ab
 illustrissimis & Reverendissimis Episcopis
 Mirapicensi, & Senecensi, Montispessu-
 lano & Boloniensi interjectæ die prima
 Martii Anno 1717. ad Concilium Ge-
 nerale a Constitutione *Unigenitus*, sum-
 mi Pontificis Clementis XI. cui Appel-
 lationi etiam sacra Facultas Theologiæ
 Parisiensis adhæsit die quinta Martii
 Anno 1717. Nos itaque ad Dominum
 nostros animos dirigentes, multam fi-
 duciam

Hh 3

Sæc. XVIII. duciam ab ipsa, quam sequimur veri-
 A. C. 1717. tate concipientes, firmaque fide certi,
 quod sanctæ Ecclesiæ suæ nec desit nec
 defutura sit Dei protectio, præmissis
 expresse Protestationibus, quod nihil
 unquam dicere atque etiam sentire in-
 tendimus contra unam sanctam, Ca-
 tholicam, Apostolicam, & Romanam
 Ecclesiam, sanctæque Sedis Apostolicæ
 auctoritatem, cui ad extremum usque
 spiritum indivulsa communione adhæ-
 suos nos esse profiteamur, quodque a
 debita sanctissimo Domino nostro Papæ
 legitima reverentia nusquam sumus
 discessuri, ad laudem Dei omnipotentis,
 conservationem, & exaltationem Ca-
 tholicæ fidei & antiquæ doctrinæ, pa-
 cem ac tranquillitatem Ecclesiæ & Re-
 gni, defensionem jurium Episcoporum,
 ac libertatum Ecclesiæ Gallicanæ a
 prædicta Constitutione, cui titulus:
*sanctissimi Domini nostri, Domini Clemen-
 tis Divina Providentia Papæ undecimi dam-
 natio quamplurium Propositionum excerpto-
 rum ex libro Gallico idiomate impresso &c.*

Et ab omnibus inde secutis & se-
 cuturis tam pro nobis quam pro omni-
 bus adhærentibus nobis & adhæsuris
 in hac parte provocamus & appella-
 mus ad futurum Concilium Generale
 legitime ac in tuto loco congregandum
 & ad illum vel illos, ad quem vel
 quos

quos pertinet de hoc genere caussarum Sæc. XVIII.
 ferre iudicium. A. C. 1717.

„Et ne dictus SS. D. N. D. Clemens
 „Papa XI. prava obrepentium quorum-
 „dam insinuatione permotus, contra
 „nos, nobis adhærentes & adhæsurus
 „quo quo modo procedat aut procedi fa-
 „ciat sua aut alia auctoritate quacunque
 „excommunicando, suspendendo, in-
 „terdicendo & deponendo, privando,
 „vel alio quovis modo, & ut nostri,
 „adhærentium nobis adhærere volen-
 „tiumque status in omnibus salvi de-
 „beant remanere pro nobis, ac pro no-
 „bis adhærentibus, seu adhærere vo-
 „lentibus in hac parte ab omnibus &
 „singulis gravaminibus prædictis seu
 „illatis seu inferendis, ad prædictum
 „futurum Concilium Generale, & ad
 „illum vel illos, ad quem vel quos de
 „jure fuerit Appellandum, provocamus
 „& appellamus in scripto & Apostolos
 „cum instantia petimus, supponentes
 „nos, adhærentes nobis, & adhærere
 „volentes & ipsorum statum & jura
 „protectioni Dei & universalis Ecclesiæ
 „ac prædicti Concilii Generalis & pro-
 „testantes de innovando Appellationem
 „hujusmodi, ubi, & quando, & co-
 „ram quibus nobis visum fuerit expe-
 „dire. Actum Nannetis in Comitibus
 „sacræ Facultatis, præter Ordinem

Hh 4

„ha-

Sæc. XVIII. „habitis in Collegio Clementino, anno
 A. C. 1717. „incarnationis Dominicæ millesimo se-
 „ptingentesimo decimo septimo die de-
 „cima Martii. „

§. V.

*Virodunensis & Apamiensis Episco-
 porum approbatio appellationis
 factæ.*

*Acta publ.
 Const. Ab-
 regé de
 l'Hist. Eccl.
 t. 3. p. 524.
 Mem. sur
 l'Appel. des
 Eveques.*

Tantum valuit exempli pravitas, ut
 etiam duo Episcopi, Hyppolitus de
 Bethune Virodunensis, & Joannes Bap-
 tista Apamiensis quatuor Episcoporum
 & Parisiensis Facultatis appellationi ad-
 hære non erubescerent, & quidem
 horum primus die vigesima secunda
 Martii sequens ederet decretum.

„Hyppolitus de Bethune Episcopus
 Comes Virodunensis, sacri Imperii Prin-
 ceps, salutem in eo, qui vera est om-
 nium salus, Viso, mature examinato,
 laudato, & probato instrumento appella-
 tionis interjectæ ad futurum Con-
 ciliū Generale a Constitutione, quæ incipit
 his verbis, *Unigenitus Dei Filius*,
 ab illustrissimis Episcopis Petro Mira-
 picensi Episcopo, Joanne Senecensi Epi-
 scopo, Carolo Joachim Montispeffulano
 Episcopo, Petro Boloniensi Episcopo,
 visa etiam Conclusionē adhæSIONIS huic
 appellationi sacre Facultatis Theolo-
 gicæ